


國家圖書館藏

清代孤本方志選



重修陽信縣志序



陽信志旣成予乃進多士於
庭共繙閱之而論之曰是役
也屬辭比事予則有之訪遺
逸羅舊聞此諸君子之力予
何敢居然予竊有進志十卷

國家圖書館分館編

清代孤本方志選

(第二輯第三冊) 山東 陽信縣志「康熙」十卷



卷各以類民生之疾痛係焉
閭井之盛衰著焉政治之得
失備焉舉筆欲書哀鴻頽尾
宛然在目憂從中來矣譜建
置則憂夫九河故道早先稿
而潦先浸也譜田賦則憂夫

原額攤荒責在官而累在民也風俗漸薄則有游士游民之憂禮文多墮則有踰閑越制之憂官箴有飭也而循良者幾何士鼎自愛也而懿行者綿邈則益憂摧膚竭髓慘

心賊曰吊古者感慨於遺編
衡今者致傷於躍冶予固拙
而鮮效哉其不能家至而戶
曉者諸君子亦共爲維持之
築隄者衆人決而一人塞則
決者退矣樹木者衆人覆而

一人培則掘者阻矣諸君下
盍思王彥方管幼安陳仲弓
若而人乎布疋可遺汲器可
置梁上人可誨而鄉黨相勸
於善彼非有化民成俗之責
而所感者已速於置郵捷於

桴鼓諸君子行將自家而鄉
而國而天下可浹浹焉如子
之不德哉多士曰因令而後
行者政也不言而默喻者德
也化之成也其源自上信之
民非姑侈而長慢也其委

敦詩書樸者服田疇者
而難治也而失業者遷徙無
常貿利者趨死如鶩大率貧
驅之耳夫里居而比處宗族
聚焉婦子寧焉親戚廬墓在
焉自非冥頑樂禍之人迫之

以去情篤而不忍怵之以刑
畏罪而不犯也獨貧也切其
身昏其智移易其心思世之
所謂大害者彼則引以爲利
焉矣今

聖天子惠養元元念三齊爲京師

藩輔

簡大賢以爲重臣監司牧伯及
于守令無不慎擇其人民隱
達矣獨陽信一邑呻吟呼籲
猶不得

上聞豈見之未真而籌之未熟哉


座有泣者則歌者停聲舟有
溺者則載者濡首不相告語
而應之矣今此志也已若繪
圖而陳情告之當事上之
國史吾陽信之民疾在膝理而
適遇良醫庶幾有瘳乎予聞

而惻然多士退遂紀其言於
簡端

康熙二十一年歲次壬戌孟冬

之吉文林郎知陽信縣事蘭

陵周虔森天子甫撰



刻間勢森天平御

之古文林相職

泰應二十一年

前

國



重修陽信縣志序

余于庚申之冬司鐸信邑一入境
覽其疆土文物之盛漸悉其習俗
禮儀之美喟然歎曰是邑也殆親
賢尚功之遺乎惜也彫瘵之餘而
民生有未遂也波靡之久而士行
有未醇也養之者司牧之事教之

者余實與有責焉辛酉毘陵

周父母來尹是邑教養之政鉅織

卑舉念文獻久闕延邑紳張丹書

先生與余門下士張寶田馬介社

纂輯舊志閱半載而書成授余董

校正余讀未竟悄然思愆然愧

然有餘懼也見所爲學校之興

師儒之賢否每三致意焉今也殿
宇廊廡之修整伊何人之責乎俎
豆陳設得勿名具而實亡耶吉蠲
灌獻以及登降拜跪之節其盡合
於規制否士之業荒於嬉而科薦
寥寥間有軼于禮法而貽刺城闕
者非余覺之而誰也庠序爲起化